

'Usah rosak kemudahan awam'

DBKL ambil tindakan tegas bagi banteras vandalisme: Zulhasnan

Oleh Khairunnisa Kamarudin

khairunnisa@bharu.com.my

KUALA LUMPUR: Orang ramai diminta menggunakan ruang yang diperuntukkan undang-undang bagi menyatakan sebarang pandangan serta ketidakpuasan hati mereka dan tidak menjadikan kemudahan awam yang disediakan sebagai sasaran vandalisme.

Menteri Wilayah Persekutuan, Datuk Seri Zulhasnan Rafique, berkata rakyat tidak berhak melakukan perbuatan yang bertentangan undang-undang terutama merosakkan kemudahan awam yang disediakan.

"Saya akan mengarahkan Dewan Bandaraya Kuala Lumpur (DBKL) menamatkan siasatan dan mengambil tindakan tegas terhadap menggunakan kompaun dan tindakan undang-undang bagi membanteras vandalisme," katanya mengulas tindakan penduduk di Taman Cheras



ZULHASNAN (tengah) dan Ab Hakim (kiri) menikmati juadah pada majlis rumah terbuka DBKL di Dewan Taman Tasik Titiwangsa, Kuala Lumpur.

di sini yang merosakkan mesin pembayaran tempat letak kenderaan.

Zulhasnan berkata demikian ketika ditemui pada majlis rumah terbuka Aidil-

fitri Dewan Bandaraya Kuala Lumpur (DBKL), di Dewan Taman Tasik Titiwangsa, kelmarin.

Beliau berkata orang ramai tidak sepatutnya men-

gambil tindakan sesuka hati dengan merosakkan kemudahan awam semata-mata tidak berpuas hati dengan tindakan DBKL mengenakan caj di tempat

letak kenderaan. Mereka seharusnya menyampaikan sebarang pendapat kepada DBKL untuk diteliti bukannya bertindak sesuka hati," katanya.

Sementara itu, Datuk Bandar Kuala Lumpur, Datuk Ab Hakim Borhan, berkata, pihaknya akan bekerjasama dengan persatuan penduduk bagi mencari dalang terbahit merosakkan harta benda awam sebagai satu cara menghapuskan kegiatan vandalisme.

"Kita tidak akan bertolak ansur dengan mana-mana pihak yang melakukan perbuatan tidak bertanggungjawab itu kerana ia akan menyebabkan kerugian besar kos membaiki pulih.

"DBKL akan menyasiat setiap kes vandalisme bagi mencari pihak terbahit sebelum mengeluarkan kompaun atau mengambil tindakan undang-undang sekiranya mereka tidak mengendahkan," katanya.



NURUL SHAFIA JEMENOWI / BERITA HARIAN